

LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 11, redacziun@fmr.ch



Regalà vinavant il premi chantunal

Tilla Theus ha retschavi venderdi il Premi grischun da cultura – ed ha regalà vinavant ils 30 000 frs. [Pagina 3](#)



Fabrizio Cavegn è ussat tar il CB Vaduz

Dapi duas emnas trenescha Fabrizio Cavegn tar ses nov club da la Challenge League, il CB Vaduz. [Pagina 4](#)

FMR FUNDAZIUN MEDIAS RUMANTSCHAS
südostschweiz

ENGIADINA

Proverbis existents ed eir agens

Ad Ardez in Chasa Arfusch ha gnü lö venderdi saira la vernissacha dal nouv cedesch da *Dumenic Andry*. Tanter ils numeros preschaints d'ieran eir sias collegas auturas *Rut Plouda* e *Leta Semadeni*. Il titel da la nouva publicaziun «Zina zina zana, sco chi vegnan vana» tradischa cha l'autur s'ha occupà quista jada da proverbis: I's tratta da texts in prosa davart da tuotta sorts proverbis. Las prūmas versiuns da quists texts sun nadars tanter ils ons 2009 e 2011 per l'emischiu «Impuls» dad RTR. La decisiun da tils publichar ha eir gnü da chefar cul giavüsch da Dumenic Andry da müdar darcheu il gener litterar davo la publicaziun dal tom da poesias «Sablun». (fmr/sp/fa) [Pagina 7](#)

GRISCHUN

La fin d'ina carriera militara da vaglia



Il divisiunari Lucas Caduff surdat la bandiera al cumandant dal corp Laurent Michaud per dar vinavant ella en mauns da divisiunari Maurizio Dattrino, il nov cumandant da la divisiun. [Foto Gion Nutegn Stgier](#)

Sin il Pass dal Lucmagn, il cunfin tranter Grischun e Tessin, ha il Sursilvan Lucas Caduff surdà il commando da la Divisiun territoriala 3 a ses successur tessinali Maurizio Dattrino.

Il medem mument sco la festa da surdada da la batgetta èsì era stà la «festa da cumià» per il divisiunari Lucas Caduff (63) che va en pensiun suenter ina carriera militara excepiunala da l'infanterist enfin al divisiunari da la Divisiun territoriala 3, la suletta divisiun trilingua en Svizra.

Blers represchentants da politica e militar èn sa radunads gievvia sin il Pass dal Lucmagn per la ceremonia militara cun marschs, imni svizzer e pleuds tegnids per rumantsch, tudestg e talian. Durant ses temp en uffizii e servetschs militars ha l'antierur scolast Lucas Caduff adina era resguardà la lingua rumantscha. Per tegnair quint da quest merit ha ses successur tessinali punctuà ch'il rumantsch vegnia era en avegnir a survegnir l'attenziun duida. (rrt/fmr) [Pagina 2](#)

GRISCHUN CENTRAL

Il dubel ballas da fain

Resuns da tuttas varts conferman: la racolta da fain da l'agricultura grischuna è stada quest onn extraordinaria. Igi ha dà bler e bun fain. Quai è era il cas en il Grischun Central, sco ch'in sguard en la regiun cumprova. Lâ han surtut ils interprendiders che fan ballas gi lavur pli che avunda. *Pirmin Cotti* da Sur, ch'ha in'interresa da servetschs agriculs, ha confermà envers la FMR dad avair fatg fin ussa il dubel da las ballas en cumparegliazun cun l'onn avant. Ed en quella dimensiun – il dubel da l'onn passà – sa mova era la cifra tar in segund «producent» da ballas en la regiun, tar *Renato Gredig* da Filisur. (fmr/dat) [Pagina 8](#)

Plirs survetschs deficitars

Il Spital regional Surselva ha stuiu nudar igl onn vargau in deficit da 1,4 milliuns francs. Damai che las perspectivas finanzialas pils proxims onns ein buca bunas, ha il cussegli d'administraziun evidau las vischnauncas ad in'informaziun il venderdis sera.

HANS HUONDER/FMR

Sco quei ch'il president dil cussegli d'administraziun dalla societad acziunara dil Spital regional Surselva, *Thomas Buchli* ha detg sin damonda dalla FMR, caschunari surtut treis securis fastedis finanzialas: «Spel punct da taxa dils cass ambulants ei quei era la partiziun da ginecologia ed igl agid da parturir sco era il survetsch da salvament.» Cull'orientaziun il venderdis sera ha il cussegli d'administraziun vuliu sensibilizar las vischnauncas ch'ein ils acziunaris dalla societad, pils fastedis finanzialas. «Nus

«Nus tschentein absolutamein buc en damonda l'existenza dil spital.»

Thomas Buchli, president dil cussegli d'administraziun dalla Spital regional Surselva SA

tschentein absolutamein buc en damonda l'existenza dil spital. Mo nus stuein anflar soluziuns finanzialas», di Thomas Buchli. Medemamein spetga il Spital regional Surselva era decisiuns per augmenta dallas tariffas davart la politica. Tenor Thomas Buchli ha buca mo il spital a Glion da sbatter finanzialmein, era ils auters spitals regionali el cantun Grischun ein pertuccai. Entochen ina proxima radunonza da delagai duei vegnir examinau tgei pussevladdads ch'e dat e co las vischnauncas sco portadras dalla societad san segidar finanzialmein cul Spital regional Surselva. [Pagina 5](#)

«Bleras vias mainan a Roma – otras utrò.»

La «simpla» metoda da l'autur rumantsch Dumenic Andry da variar e crear proverbis: tils müdar tenor gust. – [Pagina 7](#)



Festivau da camifo la reavertura

La Val Medel ha puspei ina stizun. Mo buca mo quei: en quella sesanfla da niev era in caffé sco liug da sentupada. La sonda ha la Societad cooperativa Pro Stizun Val Medel ch'e responsabla pil menaschi, evidau alla reavertura a Curaglia. Bia glieud – indigen sco possessurs da secundas habitaziuns – ein vegni per mirar e per cumprar. Vischinis e vischins beneventan la purschida nova, ein denton era pertscharts che la stizun ha in'existenza sulettamein sche la purschida vegni era nezegiada. (fmr/hh) [Pagina 5](#)



10027
Servetsch d'abunents e da distribuziun: tel. 0844 226 226
mail: abo@omedia.ch

9771424 749004